



सानसेयारि बड'सा

सानसेयारि 'बड'सा' खरीरालाइयाव
समान्यारि जिउजो लोख्वा थानाय रायथाय, बरन्थाय,
सल', सल'बाथा आरु दावबायारि थावनि, पार्क
बाइदिनि स्यायव लिन्नाय लिन्बिबां हैथाय ठर'
सानसेयारि 'बड'सा' खरीरालाइया सेबरान्बा
फोखावगोन।
बड'सायव लिन्नायनि हुबा खालाम,
'बड'सा' खरी नोथो, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, चिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 12 July, 2024 Kokrajhar, BTC, Assam ★ Vol.- 34, Issue No.107 R.N.I. Regd. No.40994/91, Assam Govt. Regd. No.IPRD. 40/2006/ 3, ★ Rs. 8/-

दावबायारि बासनिफ्राय
11 कि:ग्रा: गान्जाजों
लोगोसे सानै
फालांगिरिखौ हमदों



बिस्वनाथ, 11 जुलाइ:
बृहस्पतिवारआव अभिनब मुनि
गंसे दावबायारि बासआव
नायबिजिरसनायनि गेजेरजों
बिस्वनाथ जिल्ला पुलिसनि
मोनसे हान्जाया 11 कि:ग्रा:
(□ 5 बिलाइआव)

लाव फिथाइआ बिलाइनि सिडव थाइयो, सरकारआबो
जेब्लायबो राइजोनि सिडववो थायो: गिबि मन्थि

एडिआइ आन्जादखौ सिगांनि बायदिनो खुंफुनाय जागोन

गुवाहाटी, 11 जुलाइ: आसाम
सुबुं सिबिथाइ आयगनि
बादायलु आन्जाद बायदिनै उथि
आरो 4थि थाखोनि आन्जादखौ
खुंफुनाय जानाय नडा। सिगांनि
बायदिनो एडिआइनि
आन्जादखौ खुंफुनाय जागोन।
आन्जाद जानोसेनि 2 दानसोल'
थानाय समाव आन्जादिनि जेबो
(□ 5 बिलाइआव)



कक्राझार आरएनबि देहा फाहामसालिआ सिगांनि बायदिनो थाफिनसिगोन

गिबि मन्थिआ उदांरि साननि सिगां-सिगां कक्राझारआव
फैनाबै फाहामसालिनि थासाठिखौ खौरां लागोन

कक्राझार, 11 जुलाइ: गिबि
मन्थिनि बे खोथा होनायखौ जों
मानिनानै लाबाय। बे बिबुंथिखौ
होदों बारग' मन्थि प्रमिला रानी
ब्रह्मआ। कक्राझार आरएनबि
सरकार देहा फाहामसालिखौ
मेडिके ल क ले जआव
फोनांजाबनो थाखाय जैरेबायदि
राहा जागायजेन्दों मोन, बे
आयदाखौ लानानै थांनाय 9
जुलाइआव बारग' मन्थि प्रमिला
रानी ब्रह्मनि दैदेनायाव सा 40



सुबुंफोरनि मोनसे हान्जाया गिबि
मन्थिआ खावलायहरनाय
बायदिनै मोनसे गोनांथार
सावरायलायनाय बाहागो
लादोंमोन। बे सावरायलायनाय
समाव गिबि मन्थिआ बारग'
मन्थि प्रमिला रानीनि हान्जाआ
लुबैनाय बायदि कक्राझार
आरएनबि देहा फाहामसालिखौ
सिगांनि बायदिनो दोनफिननाय
जागोन होना खोथा होदोंमोन।
(□ 5 बिलाइआव)

कालिंदुवार बियाबनि रतनपुर
भिसिडिसिआव इउपिपिएलनि रिभिउ मेल



कलाइगव, 11 जुलाइ: इउपिपिएल आरो बिजेपि जुथाइ दोलोनि
सरकारआ गमामाथैनो 3 बोसोर बारलांबाय। दिने कालिंदुवार
बियाबनि रतनपुर भिसिडिसिआव भेसाव जिल्लानि बेंखनाव थानाय
मोन 5 बियाबखौ लानानै मोनसे रिभिउ मेल खुंफुनाय जायो। बे
मेलनि थांखिया जाबाय मोनफ्रोमबो (□ 5 बिलाइआव)

बाकसायाव मरा पागला दिया दिरिं दैमायाव
दालां गैथैनि जाहोनाव हास्थियारिफोरनि जेंना

मुसलपुर, 11 जुलाइ: बाकसा
जिल्लानि पाखामारा जपादं आरो
सिनादि जपादं फोनांजाब लामानि
मरा पागला दिया दिरिं दैमायाव
दालां गैथैनि लामा हास्थियारि
फोरा गोबां जेंना नुजाथिदों।
बागसा जिल्लानि सिंआव
थानाय भारत भुटान सिमना
ओनसोलनिफ्राइ बोहैबोनाय मरा
पागला दिया दिरिं दैमानि
पाखामारा जपादं आरो सिनादि
जपादं बे मोननै लामानि
फोनांजाब दिरिं दैमानि सायाव
(□ 5 बिलाइआव)



दरंआव ड्रग्स बैरखा सांग्रांथियारि मेल खुंदों

दरं, 11 जुलाइ: हादतआव लासै-लासै फेग्रा मुवा बेसाद बाहायग्रा
सुबुंफोननि अन्जिमाया बांनो हमदों। दरं जिल्लायवाबो ड्रग्स
एवा गुबुन फेग्रा मुवा-बेसाद बाहायनानै गावनि इयुनखौ खोमसि
लामाजों दैदेनलांदों माखासे लाइमोन सेंग्रा-सिखलाफोरा। सरकार
आरो खुंथाया बेनि हेंथायै गोखों हाबाफारि लानायजों लोगोसे
समाजनिफ्राय बे बायदि समाज (□ 5 बिलाइआव)

खहा जानांनयफोरनो थोजासे खहा सुफुंथाइ
होनाय जागोन: जयन्त मल्ल बरुवा

चिलशर, 11 जुलाइ: बरकनि
आथिखालनि दै बानानि खौरां
लानो थाखाय 3 साननि
हाबाफारिजों बृहस्पतिवारआव
मन्थि एवा काछरनि दिथागिरि
मन्थि जयन्त मल्ल बरुवाआ
चिलशरआव नुजाथिफेनायखौ
नुनो मोन्दों। कुमभिराम बिरखं
गाथोनआव ओं खारहैनानै
मन्थिआ थोंजों चिलशरआव
नुजाथिहैयो। बेनि उनावो
मन्थिआ चिलशरनि माखासे रहा



बादाफोरखौ नायगिदिं हैनाने दे
बानाजों भुगिनांनयफोरनि
सायाव खौरां लाहैयो। नांभो
(□ 5 बिलाइआव)

आनान्द बाजारआव जुथाइ आफादआ बेसेननाडै
गोलोम बोथोरनि फोरेंथाइ बादो बेखेवदों



सालबारि, 11 जुलाइ: बाकसा
जिल्लानि सालबारि महखुमानि
बे'खनाव थानाय आनान्द
शंकरदेब शिचु निकेतनआव
दिनेनिफ्राय गोलोम बोथोरनि

फोरेंथाइ बादोयाव 9 आरो 10
थाखोनि फरायसाफोरखौ इंगजि
आरो सानखान्थि आयदायाव
फोरेंथाइ होनायनि राहा
खालामनाय जायो। आनान्द
बाजार ओन्सोलनि गोबां
फरायसा-फरायसुलिफोरानो
बाहागो लानो हानाय बे फोरेंथाइ
बादाखौ दिने मोनसे हाबाफारिनि
गेजेरजों बेखेवनाय जायो।
दिनेनि बेखेवजेन्नाय
हाबाफारियाव नुजाथिनानै
फरायसुला-फरायसुलिफोरखौ
(□ 5 बिलाइआव)

तामुलपुर जिल्ला थाखोनि गेजेर ओन्सोलारि गोलोम
बोथोरनि जोलुर बादायलायनाया जोबलांबाय

तामुलपुर, 11 जुलाइ: आसाम
सरकारि गेलेमु बिफानजों
बानजायजानाय तामुलपुर जिल्ला
थाखोनि गेजेर ओन्सोलारि
जोलुर बादायलायनाया दिने
खातरबारि गोजों फरायसालिनि
गेलेग्रा फोथाराव जोबनानै थाडे।
(□ 5 बिलाइआव)



पातशालाआव राज लक्ष्मी थियेटारनि
थालिम खालामग्रा न' बेखेवदों



चिरांआव स्कुटिजों लोगोसे दैयाव गोलैनानै
सासे लाइमोन सिखलाया गोमादों

काजलगव, 11 जुलाइ: चिरां
जिल्लानि काकरागाव-
राभापारनि कुजिया दैसानि
सायाव थानाय दंफोनि दालांआव
दिने बेलासियाव गिखंथाव
जाथाय सोमजियो। कुजिया
दैसानि सायाव थानाय गोबाय
दंफोनि दालांजों थांबाय थानाय
(□ 5 बिलाइआव)



गोथै सह सावखानानै फेफिन्नायाव नाव जाब्रवथाइजों
सा 3 सुबुंनि जिउ खहा आरो सा 2 आ गोमानानै दड



गवालपारा, 11 जुलाइ: राइज्योआव सोरगिदिं जैरेबो दै बानानि
गिखंथाव थासारिनि समावनो मोनसे गिखंथाव जाथाइ जानायनि
खौरां मोननाय जादों।
गवालपारनि सिमितल।
गोथैसालिनि घातआव
गिखंथाव नाव
(□ 5 बिलाइआव)

NERIM GROUP OF INSTITUTIONS
Affiliated to Dibrugarh University, Gauhati University

ADMISSION NOTICE

NERIM announces Final Spot Admission for Non-CUET and CUET Candidate for the following courses:-

B.COM (Bachelor of Commerce)
BSW (Bachelor of Social Work)
BA (Psychology)

Date of Admission - 29th July to 31st July, 2024.

Admission for the above courses shall be held only through the registration in the **Samarth Portal** of Govt. of Assam.

Interested candidates may come for Spot Admission. Necessary help for registration in **Samarth Portal** will be extended by our admission help desk. Admission will be held on the Spot.

CONTACT NO.: 9954190758 / 9954051419 / 8638952788

Prof. Dr Sangeeta Tripathi, Director
NERIM Group of Institutions, Jayanagar, Khanapara, Guwahati - 781022
www.nerimindia.org | nerimindia@gmail.com

SINCE 1982

DAS JEWELLERS

1982 To 2024
42 Years Anniversary

शंति सोना-शंति दास

J.D. Road Kokrajhar

42 बोरुआव आगान हेवाय कक्राझार सहरआव थानाय दाव
जुयेलासआ। वेनिस्वायनो वायगिरिफोरनो 42 जोखोन्दो वानायनायनि
वेसेनखौ रेहय होनाय जादो।
वे खावखौ 7 जुलाइनिफ्राय 14 जुलाइ, 2024 सिम होनाय जागोन।
वे रेहयखौ कक्राझार स्व' रुमआवल' होनाय जागोन। गोसो गोनां सना
वायगिरिफोर माहायाव होनाय फन नवबरआव जगाजवा खालामनो लमोन।

For 42 years Anniversary of our Kokrajhar Showroom gets a Gold Makeover a discount 42% on making Charges,

Offer period 7th July to 14th July, 2024

Condition apply: This offer period is applicable only for the Kokrajhar Town Showroom

Ph: 03661-355618,
Cell No.: 8876631728

सुजुगिरिनि खोलोम

गोगो, गोजेँ आरो गोजेन थारारि

सोलिफु समाव जॉनि गेजेराव नुजाथिनाय गुबुन गुबुन जेनाफोर बादिनो निसा गोगो मुवानि गोहोमाबो एसेल' नडा। निसा गोगो मुवा बाहायनाया दिनेनि समाव दरसे-दरसे ओन्सोलनि गेजेरावल' थावथानानै थायाखै, मुलुगनाडेनो बेनि गोहोम गोसारनायखो नुनो मोन्नाय जायो। निसा मुवानि गोहोमनिफ्राय जायथि-जाया हारि, राव, बोरोनि सुबुफोरनो बारग'नो हायाखै, जायनो बेनि गोहोमाव गोलैदो विसेरनो बेनि बेखननिफ्राय बराग'नाय नुनो मोन्नाय जाया। अदेबानि खायफाया बेनि गोहोमनिफ्राय बराग'नाने सुखि-गोजेन जिउ खुनो हाथैनि बाश्राबो फैया। गोसोयाव नाजानाय आरो हमथानाय गोसो थायोब्ला जायथि-जाया हाबाखौनो मावनो हाथैनि बाश्राबो गैया। आथिखालनि वे बादायलु मुलुग आरो समजो गोजेननाने आगान सुरफानांगो बोथोरव सुबु समाजनि गिखंथाव सुथुर महरे नुजाथिनाय निसा मुवा-बेसादि ओहो-रोहो सोलिबाय थानायनि अजद सिखानाय नुनो मोन्नाय जायो आरो बेयो सुबुफोरनि थाखाय दुखु नांथावना बाश्रा। सुबु देहानि थाखाय खहा गोगो होन्नाने मिबथिनाय जायोब्लाबो जॉनि सोरगिदि गोलैयै मोनफुनो हानाय फेग्रा मुवा जौ, सिगारेट-बिरि, थांखु आरो थांखु-गय लगायनाय बाइदि रोखोमनि मोदोमग्रा निसा गोगो मुवाफोर बाहायनाय हुदाया लाइमोनफोरनि गेजेरावल' सिमना जानानै थायाखै। बेफोर मुवाफोरखौ सानो-हो गोगो सुबुफोरनि बाहायनायखौबो नुनो मोन्नाय जायो। फेग्रा मुवा बिरि-सिगारेट, थांखु सोबनाय-जानायनि अनगायैबो नख 'र गहाइनि आन्देयाव थानानै थायाखै लाइमोनफोर होबथा जानाय ड्रगस हारिनि बाइदिसिना निसा मुवा-बेसाद जानानै नागारनो हाथै जानानै बाइदिसिना खैफोदआव गोलैनांनय जाथायफोर खौरं बिजो-दिभि,समाजआरि बिजोफोरव नुनो मोन्नाय जायो। थानाय माखासे बोसोरफोरव लाइमोनफोरनि गेजेराव निसा गोगो मुवा ड्रगस बाहायनाया गिथावनायै बांनयखौ जौ मिबथिनो मोन्नाय जायो। बे थासारिया होबथानाय गैयै सोलिबाय थायोब्ला सुबु समाजनि थाखाय इयुनाव जिगासिनो गोगो जाहैनाय नडा होन्नाने बुनो हाया। बावैसो सिगां जॉनि सोहोर गेजेरावो निसा गोगो ड्रगस बाहायनायनि हुदाजौ जैबादि गिखंथाव जाथाय सोमजिलांनय बेनिखु दुखु नांथावसिन मा जानो हागो!

निसा गोगो मुवा ड्रगस आरिफोर बाहायनाय हुदाया समाजखौल' खहानि लामायि लानानै थाड, गावनि गोसोयारि सानाय-हनाय, देहायारि आरो मेलेमारि बिथिआवबो सासे सुबुखौ नोर्जिया खालामनानै अराय समनि थाखाय जोबसांनय लाबोनो हागो। आथिखालनि समाव निसा गोगो मुवा ड्रगस बाहायनायनि बिजाउनजौ सुबुफोरनि सायाव खोमसि साइखुतुम गोलैनाय बादि जालानो हमनायखौ नुनो मोनो। लाइमोन हान्जानि गेजेराव थाखाय मिबथिनानै आरो थाखाय इयुनखौ सानहरोनो हास्लाबैआव एबा गुबुननि खैसाराव गोलैनाय बाइदिसिना बेफोर गात्रि हुदाफोरव आखाइ होनाय सम सम खौरंफोरव नुनो मोन्नाय जायो। निसा गोगो मुवा ड्रगस बाहायनायनि गुलाय-गुजाय सोमजिनाय थासारिया सुबु सामाजजौ लोगोसे इयुननि सुबु धोननि फासैबो खहा गोगो जानानै फेनायखौ गोबाडानो सावरायो। सुबु समाजआव खहा लाबोनयनि लामाखौ होबथानायनि गोखै रहा लानायनि गोनांथिखौ समाजआवो सरकार आरो गुबुन गुबुन आफाद, फसंथान आरो गौथुमफोरनो हेफाजाव होनांगोन। बेनि थाखाय समाजआनो खौसेयै सांग्रां जालायनानै जॉनि समाज आरो जॉनि लाइमोनफोरनि इयुन फोजोबसांग्रां बे गात्रि मुवाखौ होबथानो नाजानांगोन। मानोना बे समआ बादायलानायनि सम,लाइमोनफोरनो गोगो सोलैथाय,गोगो देहा आरो गोजेँ इयुन दानाय-होनायनि सम। बे गात्रि गोहोखौ होबथानो हायोब्लासो जॉनि समाजआवो गोगो-गोजेँ आरो गोजेन थासारिजौ जौगालानो हागोन।

दिनेनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: नख 'र संसार जानायव गोजेन्नाय गैयै सोमजिनो हागो। जेखि जाया गोसोखौ हमथा।

वृष: धोन-दौलदआ बांलांगोन। जेरैबो मुलाम्फा खालामनो हागोन। मोजां सम।

मिथुन: जेखि जाया मोनो हास्थानाय लबिया जानाया बांगोन। गोसोखौ हमथाना थानाया गाहाम।

कर्कट: जेरैबो जेना गैयै शान्तियै थानो हागोन। गोजेनै सम बारहोनो हागोन। मोजां सान।

सिंह: गावनो गाव माबाफोर गोरोन्थि हाबा मावनानै खहा खालामनानै लागोन। गोसोआ गोजेन्नाय नडा।

कन्या: दिनेनि दिनआव गोथार खामानि मावनानै लानो हागोन। बे राशिनि थाखाय गाहाम सान।

तुला: जेरैबो सुखुखौ मोन्दांनो हागोन। नख 'रआ जौगानाय फेगोन। मोजां सम।

बृश्चक: जेनाफोर दडबा जोबसांलांगोन। गोजेन्नायखौ मोन्नो हागोन। मोजां सान।

धनु: मोजां रौंग'थिनि थाखाय मान मोन्नो हागोन। गोसोखौ गोजेन मोनगोन।

मकर: जेरैबो गोहोखौ मोन्नो हागोन। गोजेनै सम बारहोनो हागोन। मोजां सान।

कुम्भ: मानिबा आसा खालामनायफोर दडबा जाफुंसारगोन। गोजेन मोनगोन। मोजां सान।

मीन: बिसि-फिसायनि गेजेराव अनलायनाया बांगोन। जेथिबो रंजा-बाजा खालामनो हागोन। गोजेन मोनगोन।

आसाम सरकार राइज्योआव सरकारि सारिबनि थाखाय जायगानि राव रौनायखौ गोगोनांथार खालामदो

गुवाहाटी, 11 जुलाई : आसामनि गिबि मन्थि हिमन्त बिश्व शर्माया राइज्योनि गासैबो सरकारि साखिफोराव थिसन्थाइनि थाखाय सायख 'नाय हाबाफारियाव जायगानि रावनि रौंग'थि थानाया गोगोनांथार जागोन होन्ना फोसावदो। वे थांखिया गोजेँ सोलैथाइ बिफाननि बावैसो सिगां फोसावनाय बिथोनमानि सायाव फिनजाथाइ होनायनि गेजेराव सौंफै दौं, जेराव कलेजफोराव माखासे मासिफोरनि थाखाय पिआरसिनि



गोगोनांथिखौ रेहाय होनाय जादौं। गिबि मन्थिया गोहोम गोगोनांथार महयव जायगानि राव रौनायनि गोगोनांथिनि सायाव नोजोर बोनानै बुंबावोदि, पिआरसिआल' मोनसे जायगानि सुबुफोरनि मोन्थाइफोरनि रेखाथिखौ रोखा खालामनो हाया।

मख 'जाथावदि, आसाम गोजेँ सोलैथाइ बिफाना 4 जुलाईखालि पिआरसिनि गोगोनांथि जानायखौ रेहाय होबाय होन्ना फोसावदोमोन। कलेजफोराव एसिस्टेन्ट प्रफेसर, लाइब्रेरियान आरो ग्रेट 3, ग्रेट 4 मावफारियाफोरखौ थिसन्थाइ होनायाव पिआरसिखौ गोगोनांथार खालामदोमोन। वे बिथोनखौ गोखौडे सौंखारिनाय जादौं। जर'खायै अल आसाम स्टुडेन्ट इउनिवर्ना बेखौ थाबैनो

बोखांनगौनि दाबि दैखदौं आरो सरकारखौ जायगानि सुबुफोरनि फारसे बिबान लानानै हाबाफारि मावनोबो खवलायदौं। बेफोर बायदि फिनजाथाइनि सायाव फिनजाथाइ होफिन्नाय आसामनि सोलैथाइ मन्थि रज पेरुआ एक्सआव खंफोरथि होदौं। बिथाड खंफोरथियाव बै नटिसखौ सरकारनि गनायथि गैया जासे फोसावनाय जादौंमोन होन्ना नै बुंदौंमोन। पिआरसिजौ लोब्बा थानाय

नटिसखौ हायार सेकेन्डारि डायरेक्टरआ सरकारनि गनायथि गैया जासे फोसावदोमोन। डिएचइखौ थाबैनो बे नटिसखौ बोखांनानै लानो बिथोन होनाय जाबाय होन्नाबो बिथाडा मिबथिहोदौंमोन। गिबि मन्थि शर्माया हायार सेकेन्डारि डायरेक्टरआ माबे मोन्थाइजौं बे सारुलारखौ फोसावदोमोन बेखौ नायबिजिनोबो बिथोन होदौं।

जिरिबाम आरो काकचिं जिल्लायव रैखाथि अपारेसनआव गोबां बिबानि हाथियार बोखांदौं



इम्फल, 11 जुलाई: गोखौं नागिरसंनय अपारेसन आरो ओनसोलआव दबथायनाय हाबाफारिनि मोनसे फारिआव मनिपुरआव रैखाथि हान्जाफोरा हाजो आरो हायेननि जिल्लाफोरनिफ्राय गोबां बिबानि हाथियार आरो गुलि-बारुद बोखांदौं हादौं। काकचिं जिल्लानि थामनापत हिल्स आरो पंगनताबो चिंखानि सेरफानि ओन्सोलफोराव खालामनाय अपारेसनआव बायदि रोखोमनि रौनिनया-थाखोनि बेसादफोर नागिरना दिहुनो हादौं। बोखांनो हानाय बेसादफोरनि गेजेराव मोनसे कभारजौं लोगोसे मोननै 81 एमएम मटर, कभारजौं लोगोसे मोनसे एइस.इ. 51 एमएम मटर, मोननै 51 एमएम

आइजल, 11 जुलाई : मिज 'राम राइज्यो कंग्रेस कमिटी (एमपिसिस) आ बुधवारखालि राइज्यो सरकारखौ राइज्योआव गेना-खान्थि के सफोरजौं लोगोसे क्राइमफोरखौ नायबिजिनयानि थाखाय सिबिआइनो फिन गनायथि होनो खवलायदौं। मोनसे खौरंगिरि मेलआव राइज्यो कंग्रेसनि गागि लेइइ आफादगिरि लालनुनमाबिया सुआंग बिथाड बुडोदि, गिबि मन्थि लालदुहमानि दैदेन्याय जराम पिपुल्स मुभमेन्ट (जेटपिएम) सरकार थानाय बोसोरनि डिसेम्बराव फोसावनाय गावनि बिथिखौ केन्सेल खालामनानै होदौं, जेराव बुंनय जादौंमोनदि, बिनि हेंथायै सिबिआइनाय जायखिजाया रोखोमनि क्राइमखौ नायबिजिनयानि थाखाय सरासन्धा गनायथि होनाय



जायाखेमोन। मिरु सरकार आरो मिज 'राम सरकारनि मावफारियाफोर राइज्यो सरकारि आगुनि गनायथि गैयाजासे राइज्योआव खामानि मावनो हायाखै। सरकार 1 जुलाईखालि गोदान बिथोनमा फोसावनानै गावनि सिगांनि बिथोनमाखौ केन्सेल खालामनानै होदौं, जेराव बुंनय जादौंमोनदि, बिनि हेंथायै सिबिआइनाय जायखिजाया रोखोमनि क्राइमखौ नायबिजिनयानि थाखाय सरासन्धा गनायथि होनाय

सिक्किमआव थांग्रा सिलिगुरिनि लामाया बन्द थागोन

गोंटक, 11 जुलाई: सिक्किमखौ हादतनि गुबुन बाहागोफोरजौं सरजाबग्रा गहाइ लामाया माखासे साननि थाखाय बन्द' थागोन। मानोना लामानि गेजेरजौं सिक्किमखौ

सिक्किमआव थांग्रा सिलिगुरिनि लामाया बन्द थागोन

गोगोनांथार थांखिखौ फोसावनानै होदौं। मख 'जाथावदि, आलागराह, कलिम्फआव लामा जौगाखां खोन्दोनि खोन्दो जौगाखां बिबानगिरि, गस्कलुसलाइननि गेजेरजौं

गुवाहाटी उरां गाथोननि थासारिखौ जिंगा सिनाय फोरमायदौं



गुवाहाटी, 11 जुलाई : आसाम कंग्रेसनि एमपि गौरब गौैया लकप्रिय गपिनाथ बरदलै इन्टरनेशनल एयारपोर्टनि थासारिखौ लानानै सशेल मिडिया प्लेटफर्म एक्सआव गोथौ जिंगा सिनाय फोरमायदौं। बिथाड उरां गाथोननि लुफिन्नाय हाबाफारि आरो फुवास्नायनि थाखाय गुदिनिफ्राय रांखान्थि हरोदौंमोन होन्नाने बुंदौं। आथिखालाव बेखौ मावफुडलासे दोन्नाय बायदि नुनो मोन्दौं, जायजौं सरासन्धा दावबायारिफोरनि सायाव गात्रि गोहोम गोलैदौं होन्नाबो गौैया बुडे। सिगां फारसे एमपिया उरां गाथोनखौ गावयारि खालामनो बिजेपिनि थांखि लानायखौबो गोखौं अजद होयो आरो बुडोदि, बेबायदि थांखिजौं राइज्योयारि गुदि बिथाखौ लाखिलानायव फिन्नाय होनांगौनि आयदा सोमजिनो हागौं। सरकारा फोथायनाय होनायनि उनावबो आरो बेनि थाखाय रांखान्थि हसनयनि उनावबो उरां गाथोननि सुबिधाफोरा जेना गोनाडै गात्रि जालांदौं, जायजौं दावबायारिफोरा गोबां जेना जानांदौं। आथिखालनि उरां गाथोनवा नुजाथिनाय थासारिनि थाखाय सोरखौ दायनिगिरि हमनांगो होन्नाबो बिथाड सौंथि खालामो। बिबानगिरिफोरखौ थाबैनो उरां गाथोननि जेनाफोरखौ नायबिजिनो आरो सुसांनानै होनो खवलायनायजौं लोगोसे बयबो सुबुफोरनि मुलाम्फानि थाखाय उरां गाथोन बायदि गोगोनांथार राइज्योयारि गुदि बिथाखौ आवुडै सुबिधा गोगोनां खालामनांगोन होन्नाबो एमपिया रोखा बुडे।

गोगोनांथार थांखिखौ फोसावनानै होदौं। मख 'जाथावदि, आलागराह, कलिम्फआव लामा जौगाखां खोन्दोनि खोन्दो जौगाखां बिबानगिरि, गस्कलुसलाइननि गेजेरजौं

इउडिपिआ काशि आसार खाबिथियारि फसंथान बिलनि गनायथिखौ लाना सौंथि खालामदौं

गुवाहाटी, 11 जुलाई: मेघालयआव काशि हिस्स अटनमास डिस्ट्रिक्ट काउन्सिल (केएइएसएडिसि) आ आसारखान्थि बायदियै काशि फसंथानफोरखौ लाखिलानायनि थांखिजौं मोनसे बिलनि सायाव राइज्यो बैंगिरिनि गनायथिखौ नेनानै दड। वे बिलआनो जादौं केएइएसएडि बिल, 2023 आरो बेयो थानाय बोसोरनि डिसेम्बरनिफ्रायनो सावराय जागासिनो दड। बेरेखा दोलो इउडिपिआ काउन्सिलनि बावैसो सिगां जालानाय जथुमायाव बेनि थांखि लानाया गोबाव जानायखौ जिंगा फोरमायदौं। बिथामोनहा दरबार कुर एबा संकुरनि रेजेस्ट्रिसन प्रसेसखौ बेबस्था गोगोनां खालामनायनि थाखाय बिलनि गोनांथिनि सायाव गोसो होदौं, जाय आगुनिफ्रायनो सोलिबोनाय काशि खुंथाइ। थानाय मे 2024 आव बेनि सायाव हेंथाया नुजाजेन्दोमोन, जेब्ला जिल्ला परिषद केसफोरनि बिफानआ बिलआव फिसा-फिसा टेक्निक


Corrigendum

"Candidates must have proficiency in local Language" shall constitute another condition in the Terms and Conditions mentioned in the advertisement no. 02/2024, Dated: Kokrajhar, 18-06-2024, for recruitment of 12 (twelve) Asst. Professors in Kokrajhar Govt. College.

Sd/-
Principal
Kokrajhar Govt. College
Kokrajhar

बे घड़िजों सान-अखाफोर आरो ग्रहफोरनि आखुफोरखौ संदानाय जायोमोन

ग्रीक द्विप एन्टिकाइतेरानि बेरिमायाव गिखंथाव जाब्रबथाइयाव गोपलैनाय गंसे जाहाजनि बायखोन्दा थुखाफोरखौ मोनो हादों। बेफोरो घरिनुमा चेटेलाइट मडान कम्पिउटर साइन्स आरो टेक्नीकजों गोबां गोरोबफलेयो। जर'खागिरिफोरनि बायदिल्ला बेवहाय माखासे रहस्य थाखोमानायनिबो फोरमानबो मोन्दों। बे आगोमा मेसिननि जोबथा बाहागोखौ आथिखलाव एथेन्सिन नेशनेल आर्थिक यल'जि के ल मिउजियामआव नुनो मोनो। जर'खागिरिफोर बे मेसिनखौ नायसंनायाव मोन्दोंदि, बेयो मैला आरो हाबुजों बुंफबनाने थादों। फारसेथिं बेखौ कास धातुजों बानायनाय जादों। जर'खागिरिफोरा गनायना लादोंदि, बे जोन्थोरखौ हेलेनिस्टिक समनि बिगियानगिरिफोरा डिजाइन होनानै बानायदोंमोन आरो बेखौ एन्टिक काइतेय मेकानिज्म बुंयाव जायो। नायसंनायाव बेखौबो



मिबथिनो मोन्दोंदि, मोनसे रोखोमनि गोजाम आरो आखायजों बानायनाय ग्रीक अरेरि (सान मन्डलिन मडेल) दड, जायखौ एनालक कम्पिउटरनि बयनिखुइबो गोजामसिन बिदिन्थि होन्ना बुंनाय जायो। बे एन्टिकाइतेर मेकानिज्मआ मुलुगनि गिबिसिन एनालक कम्पिउटर आरो संदानानै मिबथिनो हाबावदोंदि, बेखौ गाहायै सान, अखाफोर आरो ग्रहफोरनि आखुथाइफोरखौ नायसंनो, अखाफोर आरो सान मन्डलनि ग्रहफोरखौ

नायबिजिरनो, जानो गोनां अलिम्पिक गेम्सफोरखौ इसार होनायनि थाखाय बाहायनाय जादोंमोन। मख'जाथावदि, खायसे जर'खागिरिफोर बेखौ खूष्टगिबि 87 माइथायाव बानायनाय होन्ना गनायो। फारसेथिं खायसे जर'खागिरिफोर बेखौ 205 खूष्ट गिबि माइथायाव बानायदोंमोन होन्ना हमददों। 1902 माइथायाव बेखौ गोजाम मुवा नायसंगिरि भेलेरियस स्टेसआ गंसे गियार महैर सिनायथिदोंमोन। उनाव 2005 माइथायाव कार्डिक

इजनिभासिदिनि मोनसे टीमआ कम्पिउटर एक्स-रे तमग्राफि आरो हाइ रेजल्युशन स्केनिंखौ बाहायनाय बेखौ नायबिजिरो। बिथामोनहा मेकानिज्मनि सिनि थुखाफोरनि सावगारि बानायो आरो बेवहाय लिरनाय सोदोबफोरखौ सिनायथिनो नाजायो, जाय बेनि बाइजो बाहागोआवबो दडमोन। बेनिफ्राय मिबथिनो हादोंदि, बेयाव मोन 37 जेबायदि कासनि गियार दंमोन। मोजाडे नायोब्ला बेवहाय माखासे स्केलखौबो नुनो मोनो।

रंजालि गथ'फोरनि सौरा

बिबार

गोसो मुहिथाबनाय हायना महैर उदां सोमखोर मिथिगानि बिखायाव, अनथाव बामथाव सगल' बगल'नो खांसोर महैर खिलिखांदोंमोन समायना फांसे बिबार।

जानो हागौ बबेबा मुगायाव सोरबा आरफ'नि थुलुंगायाव सोरबा जोहोलावनि बिलिरनायाव, सगल' बगल' महैर देरखांदों बै अम्बासि बुब्लिआव।

गोसो मुहिथाबनाय महैर बारना नॉनि सुदेम मोदोमफुनायाव जाखोसे हाडू बेगेंफोरा - सि मोनखांदों आरो मोन्दों -- संदाना गोदान जिउ।

नॉनि सुदेम मोदोमफुनायाव समाज खाथि राजखाथि दोहोरम थांना थानायनि मोन्थाइ राव हारिमुनि थाजोरथाय जावरिखांदों--जिउनि बेसेनखौ मोन्दाना।

सोरबा सोरबा बुडे -- नॉनि बैसोआ जौसे बोसोराव आगान सुरबाय, नाथाय आं मिजिथियो -- जौसेल' नड सान अखाफोर थाजासिम बारबाय था।

नॉनि सुदेम मोदोमफु नायजों गादब जानाय नेवसि जानाय मुगै जानाय निखावरि हाडू बेगेंफोरनो गोदान जिउ होफिन देरहासारनायनि जैधनि।

-पबित्र ब्रत दैमारी ग'लाघाट

मिथिगौना नों, आदि नौरौ वेसेवा मोजां मोनो?

आं आन्दाया मिथिगानि महराव नॉनि समायना महरावसो आं आन्दायो... आं गोजोना दाउसिन दाउलानि गाबनाय दंखोआव नॉनि रैसुमे गारांनि गोदें दंखोआवसो आं गोजोने... नॉनि समायना महर नॉनि गोदें गाराडव जावलिया जामारबाय आं। फागुत्रि बार जानानै नों बिलिर फेयोब्ला आंखौ जिउनि गारै बुब्लियावनो नॉनिल' सिमां सुजुयो आं नॉनिल'...

आं बजबा गुबुननि अत्रायखौ नॉनि गोबॉनि अन्नयखौसो आं बजबो... आं सुजुआ गुबुननि थाखाय सिमां नॉनि थाखाय ल'सो, आं सिमां सुजुयो... अनसुलि गोसोयै गोदें गाराडे नों मिनिस्तुना आंजों राइलायनायखौसो गोबों एलबामाव बेरखां होना नों आंजों खाथियाव गैयाब्लाबो नोंखौल' गोसो खाडे आं नोंखौनोल' नॉनि समायना महरखौ गोबों आरसियाव लाबोना... नोंखौ मोन्नायनिल' मिजि रनसायना।।

आलेरा बर' बर'बाजार सोलेंसालिमा, चिरां

जिउ

थानानै थानाय समाव जोनोमनिसाय जिउआ गोनांसिन सुबुनि बेसेनखौ सुनायो बिनि मावलांनय बिहोमाजों

दैदेनगिरिफोराबो सासे सुबुं जानो हागौ सुबुं महैर

खायसे सुखु थावयि खामानि मावनाया रोखा

सुखु दुखु गाहाम हामिखौ लानानैनु सुबुंनि जिउ।

-सरिबाम बर' राबां, बागसा

खन्थाइनि हान्जा

मिनिनाय गैया माबा बुंनो सानो गोसोनि सानबोलावरिजों फंसे राव मोनहास'हायै सिमांनि फिथाय हानहरनाय दावबायलांडे बेसेबा गोजान लामा हाथिनाय

सोर मिथिगौ खोमसियाव लामा आनदायनाय मेगनजों नुवा राव होना रायन्लायनाय बुंनानै फोरमाय जोबनो हाया गोसोनि गुवार मिजि बेसेबां हास्थायो

गोसोनि सानाय लैथोआव दावबायनाय सिरि सिरि रिंखानाय मेथाइनि देखोजों गोजोमना गोजोन सुदेम अनलायनायनि सोदोमफुनाय हायला हुयला मोसागलांडे सुबुनि फावथिना

नायब्लाबो नुनो मोना गोसोनि सानबोलावरिआव जंखायफेयो मोनाबिलिनि सान सिखोला जाना थाजिम बुब्लिजों रिंगिना सिमां सुजुहोना बरायहरनायें लिंहरो गोदान मिजिनि रादाबफोर

मोदानफवनाय जौथि आबिरजों हायना फोनांन गाबजों बुंफबनाय सोगोंबादि गंसे राइजो जौथि सोरानि आलारि फोजोंडे गोथार सिबिसालि समायना मुलुग गोगगो गोसोनि गंसे न'भायाव।

गोसोनि दाहार जानानै रानलांनय दैसा निजोरा जानानै बोहेलांनयाव मेगननि मोदैया नों मानोथो बान्दो जानानै थेथे फेया दा गोसोआ रागा जानानै लसो दंसे

बावगारहायै गोसो आंनि जेब्लायबो नॉनि थिंजाय फारसेल' बोहेलांडे उदां गोसोनि मेगनजों रायन्लाय फेयो मिथिमोना गोसोआव माबा बुंनो सानो

बिखायासो दोरफो दोरफो मोनो जेबो फिनाइ होनो हायैआव आबिरजों नांफबनाय सोदोबनि दंखोआ नागिर बायो गोसोआ मिजिनि थफ्लासे जलंगा।

उदां सोलेरनि मेगनजों नुवाब्लाबो गोसो मेगनजों नुबाय थानो हास्थायो रोजा गारै सिमांआव नोंखौ नुबाय थानो गोजान लामा हाथिनाय आगान सुरनो मोनथियो।

जिउनि गोथार थांथि मिजिनि हास्थायनाय फिथाइ जेब्ला मोनफुडे जाफुसारनाय मोकथां जिउआ जोबोर गोजोत्राय रंजानाय मोनो गोदान मोनसे जिउ दावगानायनि थुलुगाखांनय

गोसोनि गोजोत्राय थुलुगाया सुबुंनो बयनिबो गोनां उदां मेगननि सावगारि गोसोनि बाथा फोरमाय फेयो जाफुसारनायनि आगान जेब्ला मोनफेगोन थानानै थानायनि जिउनि गोदान मोनसे बुब्लि।

प्रदिब रामसियारि सा देखियाजुलि, सनितपुर

जिउनि मेथाइ

सुजुनानै दोन्नाय आंनि थफ्ला बिदाडव दंबावो माखासे आन्थोर जयि सिमांफोर.....!

माबोलादि फेगोन जिउनि गोदें बुब्लि। बेसेबां गोलाव हाथिनाय लामाया गुमुर गैया, जोबनो गैथि जिउनि मोनफ्रोम आगानावनो हेब्रे माब्रे सु।

मिथिना मोना, रावबो बेखौ मोनसे समान्था जिउआ आवुडेजोबगोत्रा जोबा जाउनाव.....

आद्रा थानाडे माखासे जिउनि गोथां गोथां फावथिना...।

बैसोर बादिया

नॉनि मिजि लैथोखौ नॉनि सानसि लैथोखौ आसि बिमा खिन्थिगोन बैसोर बादिया

मानिक बसुमत्तारि सालबारि, बाकसा

-रैदोम बर', बाकसा

गाहाइ मन्थिआ मनिपुरआव खेबसे थांनानै थागिबिफोरनि जेंनाखौ खौरां लाहैनांगौ: राहुल गान्धी



इम्पल, 11 जुलाई: 18थि लकसभानि जर'खा जथुम्मायाव मनिपुरखौ लानानै गाहाइ मन्थि नरेन्द्र मदिनि गोखों बिबुंथि लाखिनायनि उनाव राहुल गान्धीआ फिन सा-सान्जा राइज्योनि हाजोआरि राइज्योआव दावबायहैनानै सरासनसा राइजोफोरनि जेंनाखौ खौरां लानो थाखाय बोसोन होनायखौ नुनो मोन्दों। बृहस्पतिवार बेलासिआव कं ग्रे सनि एमपिआ मनिपुर दावबायनायनि 5 मिनिटनि भिडिअखौबो दिन्थिनानै बाथा बुंदों। राइबेरेलिन लकसभानि एमपिआ फोरमाइनाय बायदिल्ला, मनिपुरआव हिंसायारि जाथाय जागायजेन्नायनिफ्राय दिनेसिमाव 3 खेब दावबाय हैबाय। नाथाय दुखुनि बाथादि, थासारिया एसेबो मोजां जायाखै। दिनेसिमबो बे राइज्योआ खावनै बाहागोआव रानजानानै दड। लकसभानि बेरेखा दोलोनि गाहाइ बिबानगिरि राहुल गान्धीआ मनिपुरनि राहा बादानि भिडिअ दिन्थिनानै लिरनानै फोरमायनाय बायदिल्ला, गाहाइ मन्थि

मदिआ हारियारि दाडाबाजिनि थाखाय बे राइज्योआव खेबसेब्लाबो दावबायहैथारनांगोन। दुखुथिया सुबुंफोरनि आलाइ-सिलाइ जिउ खुंनायखौ नोजोर होनानै राहुल गान्धीआ गाहाइ मन्थिखौ मनिपुरआव खेबसे खौरां लाहैजानो लुबैनायनि बाथाखौ फोरमायदों। मनिपुरआव गोजोनखौ लाबोफिनो थाखाय संसदआव कंग्रेस दोलो आरो इन्डिया जुथाइ दोलोआ खौसेयै जुजिथाबगोन होन्ना कंग्रेसनि दैदेनगिरिआ दाबि दैखाडे। 2023 माइथायनि मे दाननिफ्राय राहुल गान्धीआ दिनेसिमाव 3 खेब मनिपुर दावबायहैबाय। बेवहाय दावबायहैनानै गान्धीआ थागिबि सुबुंफोरनि हालाइ-हाफाइ थासारिखौ एसेबो सहायनो हायाखै। साफ्रोमबो सुबुंनि मेगनआव मोदें आरो हादतनि गोजौसिन बिबानगिरिफोरनि थाखाय अरायबो हेफाजाबनि लामा नायगासिनो दड होन्ना फोरमायनानै हादतनि साफ्रोमबो गोजौ थाखोनि बिबानगिरिफोरनो मनिपुरनि थासारिखौ सोलायहोनो थाखाय बोसोन एवा सानखाथि फोरमायथि होनांगो होन्ना गावनि बिबुंथियाव फोरमायदों। हादतनि आंगो दरसे राइज्योनि थागिबिफोरा दिनेनि दिनआवबो खबसे ओंखामखौ गावनि नख'रनि सुबुंफोरजों जयै जानो हानायनि थासारि गैया। साफ्रोमबो नख'रनि सुबुंफोरनो आलाइ-सिलाइ जानानानै दड। बेनिखायनो गेदेरथार हादत दाफुनायनि सार्थआव गाहाइ मन्थिआ खेबसेब्लाबो मनिपुरआव दावबायहैनानै थासारिनि सायाव खौरां लाहैनांगो आरो ओन्सोलखौ सुगलायहोनयनि थाखाय गोखों राहा नाजावनांगो होन्ना राहुल गान्धीआ दाबि दैखांदों।

मा एसेबां सोमोनां!

नॉनि मिनिस्तुनायनि जादुआ ओरैबादि दि बिखा खंखरनि गारै दाहाफोरखौ बावगोमा होयो जयनो।

रागा जॉनो सानब्लाबो कश्मीरनि बरफ बादि सुहाब फिनो।

बोरैबा बोदोरथ' जाया ना आं बनि खुथारै आंखौ गावनि गनायना लानायवा।

राव गैला आंहा फोरमायनो बेसेबादि आंबो बेखौनो हास्थायो गावनिफ्राइबो बांसिन अरायबोन।

अनज्जायनाया गोरलै नाथाय बेखौ जिनिज्मआव खाना लाखिनायसो, उदाडेबिरनाय दावखौ फानजारियाव लाखिनो साननायासो अयनायथार जागोन थारैनो।

खोमथा बर' गामि: - हादानगुरि, उदालगुरि

नोंखौ लोगो मोननायनि समनिफ्राय

फैगोन फैगोन सानो नोंखौल' उसाव बादव उरां फारां। जावलिया बे बाराव गोसोखौ आं हमथा हाला। नॉनि फारसे गोबां खोथा--- जुथुमना दोनदों गोरबोआव। नोंखौ लोगो मोननायनि समनिफ्राय।

लैथो बायदि गुवार अन्नायनि आंनि नैबे सिमांनि फुरियाव, हरखाबै मानोबा एसेबां समायफलेथारदों। नोंखौ लोगो मोननायनि समनिफ्राय।

थारैनो बे गोरबोआ नोंखौ गोसो थोमारबाय। मिथिया आं मानो--- नॉनि खोथा एसेबां सानग्रा जाखो। जावले जावले गोसो खांग्रा जाबायदि। नोंखौ लोगो मोननाय बै समनिफ्राय।

थारैनो बे गोसोआ नोंखौल' जावले जावले खाथियाव नागिरो, नोंजोंनो लोगोआव जेब्लाबो उपले-उपले थानो। नोंखौ आं दाना गोमा जानोबो गिसै। थारैनो आं नोंखौ गोसो थोमारबाय जानो हागो। नोंखौ लोगो मोननाय बै समनिफ्राय।

-निजोम बसुमाथारी गामि 2 नं आखिगुरि, सनितपुर

हार्दिक पान्डेयाजों दिभर्सनि रिउमार्नि सायाव नाताशया मोनसे पस्ट शेयार खालामदों

बलिउडनि फावखुंगि आरो मडेल नाताशा स्टेनकभिकआ बावैसो सिगां सशेल मिडियाआव मोनसे भिडिअ शेयार खालामदों। बिथाइ भिडिअखौ सुबुंफोरनि गसिबो बाश्राखौ मोजाइ मिबथिया लासे जजमेन्टेल जानायखौ दोहौ दिखदों। नाताशा स्टेनकभिकनि पस्टआ अब्ला फैदों, जेव्ला बिथानि आरो भारतनि क्रिकेटार हार्दिक पान्डेयानि गेजेराव दिभर्सनि रिउमार्डआ गोबां गोसारदोंमोन। नाताशा स्टेनकभिकआ बुंदोंदि, बिथानि गोसोआव मोनसे सान्नाय फैदों, जायखौ बिथाइ सशेल मिडियाआव शेयार खालामनो थांखि लादों। बे



पस्टआव बिथाइ रोखा खालामदोंदि, सुबुंफोर गुबुननि जिउनि सैथोखौ मिबथियालासैनी बिनि फारसे सावरयनो लायो एबा सावरयो। भिडिअआव नाताशया बुंदोंदि, 'जों एसेबां थावै थिरंथा लायो आरो गुबुननि फारसे जेवो साना। मा जों माब्लाबा सान्दों जे बिनि

थाद'या। जों बिनि सैथोखौ मिबथिनो नाजाया आरो जोंनि गोसोआवबो जेवो सान्नायबो फैया। जों थोंजों थिरंथा लानो हंमो'। हार्दिक पान्डेया आरो नाताशा स्टेनकभिकनि जुलिआ 2020 माइथायाव जादोंमोन आरो बिथाना सासे फिसाज्लाबो दड। अदेबानि बावैसो सिगां सान्दों गेजेराव एना-एनि जानायनि खौरांआ सोराइव फैदों, जायजों बिसोरनि सोमोन्दोआ गावसालायबाय होन्नानै हंमदांनो हादों।

दाबावैसो नाताशानि बे भिडिअनि उनाव बिथानि फल'आस आरो अन्सायगिरिफोर बेखो बुजिनो नाजादोंदि, मा बियो बिसिनि फारसनेल लाइफखौ लानानै मोनसे हिन्ट नामा? तालाकनि रिउमार्डनि सायाव हार्दिक आरो नाताशया दासिमबो बे खौरनि सायाव जेवो बेखेवनानै होयाखै। दा नायनांगौआ बेनोदि, बे रिउमार्डआ बेसेबां सैथो आरो मा बिसोर सान्दों गेजेशव गमामायैनी एना-एनि जामारदों नामा।

'कामान्दार करण सक्सेना' स्व'आव गुरमित चौधुरीआ गाहाइ फाव खालामगोन

हादतनि रैखाथिनि थाखाय जेव्लाबो सांयां थाबाय थाप्रा इन्टिलिजेन्ट बिफानि बिबानगिरिफोर आरो फौजिफोरनि जिउआ गोरलै जाया। सिनेमायाव बै जारिमिनफोरजों लोगोसे सम-सम गावनि सान्नायखौ सरजाबफानानै सावथुनफोरनि पर्दायाव दिन्थिबोबाय थादों। दाबावैसो रिसार्च एन्ड एनालिसिम विंग (य) एजेन्टनि गाहाइ फाव दिन्थिनानै फावखुंगुर गुरमित चौधुरीआ गावखौनो प्राउड हंमदांनो। बिथाइ डिजि प्लास हट्टरआव बावैसो सिगां सोराइव फैनाय वेव सिरिज कामान्दार करण सक्सेनाआ गाहाइ फाव दिन्थिदों। बे स्व'आ अमित खाननि गेजेरजों (कामान्दार करण सक्सेना) निफ्रायनो लिन्नाय नबेलनि फावखुंगुरनिफ्राय लानाय जादों। गुरमितनि बिफाया सैन्य अधिकारिमोन। मा बिथानि गोसोआवो माब्लाबा सान्थि जानो गोसो जादोंमोन नामा? बेनि सायाव गुरमितआ फोरमायदोंदि, आं'खोथ' एक्टिनि एफ्फोआ उन्दैआवो अरदोंमोन, नाथाय गोसोआव जेव्लाबो बेनो दंमोन, हादतनि थाखाय माबा मोनसे खालामनो। गेदेर जानायनि उनाव बुजिनो हाबायदि खालि फौजिआव



थानानैल' हादतनि सिबिनायखौ खालामनो हाया। सरासनन्ना सुबुंआवो हादतखौ सिबिनो हायो। आं सरासनन्ना सुबुं जानानेनो हादतखौ सिबिनो नाजायो।' गुरमितआ सिगां 'दा वाइफ' सावथुनआव गोखौ फाव खालामदों। गुबुन फारसेथि, फैगौ स्व' 'महाराणा' याव महाराणा प्रतापनि फावआव नुजाथिगोन। जेव्लाबो फावगिरिफोरनि गेजेराव जेना जानायखौ लानानै बियो बुडेदि, 'जुदि आलादा-आलादा फाव मोनो अब्ला बेखौ खालामनायावबो मोजां मोनो। जेव्ला माखासे मोजां अब्ला बेयाव गावनि बेस्त होनो थाखाय नाजायो। आं सानोदि सावथुनफोरा सोलि-दासोलि फावखुंगुरआ सोलिनांगौ। जुदि डिजिटेल प्लेटफर्मआव मोजां दिन्थिगोन अब्ला बियो सुबुंफोरनि थाखाय जोबोद

गाहाम देहानि राहा

मैखुन जायोब्ला डिप्रेसन, गिनाय बायदि बेमारआ बाडइ जायो

नाइबिजिरगिरिफोरनि बायदिब्ला मैखुन जायोब्ला डिप्रेसन आरो गिनाय बायदि गुबुन माखासे बेमारफोर बाडइ जाबोयो। बेनि थाखायनो बे मैगंखौ गुबुन गुबुन रोखोमै जानाय-लौनायाव बाहायोब्ला देहाया गोबां मुलाम्फा मोनो। मैखुन जायोब्ला देहाजों लोगोसे मन्टेल हेल्थआव गोबां मुलाम्फा मोनो हायो। बेनि खायनो जायफोर सुबुंफोरा मैखुन जानो मोजां मोनो बिसोरनि थाखाय बेयो गोजोन्थाव बाश्रा। बेयाव एरगटायनिन संखि मोन्नाय जायो। जाय संखिया डिप्रेसन बायदि बेमारखौ बाडइ खालामनायाव मदत होयो। अ।म।रि।क।नि बिगियानगिरिफोर 2005-16 सिमनि गेजेरआव 24 रोजानिफ्राय बांसिन आमेरिकानि लाइमोनफोर खालामनाय नायबिजिरनायनि गेजेरजों मैखुनआनि सायाव



हायि डिप्रेसन, गिनाय आरो गुबुन माखासे बेमारफोरखौ बाडइ खालामनो हायो बेखौ फोरमान मोन्नाय जादों। पेन्सेलबेनियानि गंसे मुलुग सोलौंसालिनि सासे प्रपेसार ज'सुवा मासकटनि बायदिब्ला मैखुनआव गुबुन गुबुन रोखोमनि भिटापिम, मिनिरेल्स आरो एन्टिअक्सिडेन्स मोनो हायो। जेराव बेफोरो डिप्रेसननि हेंथायै जुजिनयाव मुलाम्फा होयो। नायबिजिरगिरिफोरनि बायदिब्ला मैखुनआव मोनो हानाय एरगटायनिन संखिया लाबोयो।

आमिर खानआ क्रिकेट आरो खमलायनायनि उनाव टेनिस गेमनि सावथुन दिन्थिनो सान्दों



हिन्दी सावथुननि मिस्टार पारफेक्शनिस्ट फावखुंगुर आमिर खाननि सावथुनफोर खेलाफोरजों गोथो सोमोन्दो दड। बिथानि सावथुन 'लागान' आ क्रिकेट गेलेग्रानि सायाव बानायजादोंमोन। गुबुन फारसेथि, दंगल सावथुनाव कुशितजों लोव्वा थानाय सल'नि सायाव दिन्थिनय जादों। 'लाल सिंह चड्ढा' सावथुनावबो बिथांखौ एथलितनि फावआव नुनो मोन्दोंमोन। दाबावैसो बिथाइ सावथुन 'सितारे जमिन पर' आव खामानि मावगसिनो दड; बेयो मोनसे स्पर्टस ड्रामा सावथुन, जेराव बिथांखौ देहायारि महरै लोरबां ग'फोरनि कचनि फाव दिन्थिदों। बिथाइ बावैसो सिगां मोनसे इन्टरभिउआव टेनिसनि गेलेग्रा जायगाजों लोव्वा थानाय सावथुन बानायनो थाखाय गोसो होनाय मिबथि होदों। आमिर खानआ बुंदोंदि, जुदि माब्लाबा मोजां सल' फैयो, अब्ला आं टेनिसनि सायावबो सावथुन बानायनो थाखाय हास्थायगोन। जेव्ला आं 'लागान' सावथुन बानायदोंमोन, अब्ला आनि गिबि प्राय्रिटीआ क्रिकेट नडमोन। दंगलनि बिथिआव आनि प्राय्रिटीआ कुशित नडमोन। आं बै सल'फोरखौ सासे क्रिएटिभ सुबुंनि महरै नायदों। औ, गेलेनाया बै सल'फोरनि गाहाइ बाहागोमोन, जाय बेखौ मोजांसिन बानायदों।' बिथाइ आरोबाव बुंबावदोंदि, 'जुदि टेनिसनि गेलेग्रा जायगानि सायाव मोजां सल' फैयो, अब्ला आं बेनि सायाव सावथुन बानायगोन। आं खेलाफोरनि जोबोर गिदिर सापटर्। आं मोनियोदि, मोनसे बलआ बुहुमखौ सोलायहोनो हायो। गेलेनाया जौखौ जोबोर नाजानाय, जश, टीम स्पिरिट आरो जेनायखौ गनानयो हानाय फोरोडे'।

सनाक्षि सिन्हाया गावनि रिसेप्शननि मोनसे गोदान भिडिअ शेयार खालामदों


सनाक्षि सिन्हाया माखासे सान सिगां फावखुंगुर जाहिर इकबालजों जुलि जाबाय। सानैजों मोनसे प्राइभेट सेरेमनिआव रेजिस्टार्ड खालामदों। जराय जुलिनि सानखालि मोनाबिलियाव मोनसे ग्रेन्ड रिसेप्शन पार्टिबो होदों, जेराव बलिउडनि गोबां सेलेब्रिटीफोरा सौहैदोंमोन। सशेल मिडियाआव पार्टिनि गोबां भिडिअ आरो सावगारिफोर सोराइव फैबाय। अदेबानि आथिखालाव सनाक्षि सिन्हाया रिसेप्शननि मोनसे गोदान भिडिअ शेयार खालामदों। भिडिअआव



सनाक्षि सिन्हा आरो जाहिर इकबालनि पार्टिनि माखासे नुनो मोनै रंजानायजों बुंफनयायखौ नुनो मोनगसिनो दड। नख'रनि आरो होवा गोदाननि सुबुंफोरजों लोगोसे निउलि वेड जरायाबो रिसेप्शनआव गोबां मोसादों। सनाक्षि सिन्हाया जाहिर इकबालजों गावनि इनस्टाग्रामआव रिसेप्शननि गोदान भिडिअ शेयार खालामदों। बेजों लोगोसे बिथाइ केषनआव लिखदोंदि, जुलिया एएसएमआर हंमदांदि, एन्जय खालाम... जेरै जों खालामदों। गसिबो लोगोफोर, नख'रनि सुबुंफोर आरो टिमखौ जोंनि जुलिखौ पारफे कट बानायनायनि थाखाय साबायखर। सनाक्षि आरो जाहिरिनि जुलि... एक एपिक पार्टि तो बनती है बस'। सनाक्षि सिन्हा आरो जाहिर इकबालनि रिसेप्शननि भिडिअआव बलिउडनि माखासे गिदिर स्टाफोरखौबो नुनो मोन्दों। पार्टिआव सलमान खानआ गावनि गसिबो नख'रनि सुबुंफोरजों लोगोसे सौहैदोंमोन। क्लिपआव सनाक्षिआ सलमान खानखौ गोबानाय नुनो मोन्दों। गुबुन फारसेथि मोनसे जायगायाव सनाक्षिआ रेखाखौ बुंनाय नुदोंदि, 'गाबनो नाइ, गाबनो नाइ,' मानोना वेडिंआव फावखुंगि आ इमस्त्रे ल जादोंमोन। पुनम सिन्हायाबो फिसाजोखौ खावलायाव खुदुमना गावनि बोर सारसिदों।

जुनेद खानआ गावनि 'महाराज' सावथुननि सायाव बिफा आमिर खाननि रिक्शनखौ फोरमायदों

बलिउडनि मिस्टार पारफेक्शनिस्ट आमिर खाननि फिसाज्ला जुनेद खानआ गावनि 'महाराज' सावथुनजों लोगोसे एक्टिनि मुलुगआव डेबिउ खालाम खांबाय। फिल्म अटिटि प्लेटफर्मआव रिलिज जानाय, जायजों नायगिरिफोर आरो क्रिटिक्स फारनैतिजायबो पजिटिभ रिभिउ मोन्दों। बबेखानि आथिखालाव जुनेद खानआ मिबथिहोदोंदि 'महाराज' सावथुनखौ लानानै बिथानि बिफानि मा रिक्शनमोन, जायखौ बलिउडनि मिस्टार पारफेक्शनिस्ट महरै मिबथिनो मोनो। जुनेद खानआ गावनि बिफानि आगानजों आगान मिलानानै एक्टि मुलुगआव आगान होजेन्दोंमोन आरो 'महाराज' सावथुनजों लोगोसे डेबिउ खालामदों। रिलिजनि सिगां बे सावथुनआ गोबां जेनाबो नुदों, नाथाय जोबनायाव थिरंथाया सावथुननि बिथिआवनो जायो। 'महाराज' सावथुनआव जुनेद खानआ सासे समाजखौ फोसाबग्राफि फाव दिन्थिदोंमोन, जाय 1800 जौथाइयाव समाजआव



बांबोनाय गात्रि जाथाइफोरनि हेंथायै राव दिखाडे। गावनि डेबिउ सावथुननि सायाव आमिर खाननि रिक्शननि सोमोन्दै मिबथि होनानै जुनेद खानआ बलिउड लाइफजों सावरयालयनायाव बुंदोंदि, बिथाइ सावथुनखौ मोजां मोन्दों।

आं पारफेक्शनिस्टनि सोमोन्दै मिबथिया, नाथाय जेव्ला पापाया माबेबा सावथुनखौ नायो, अब्ला बियो बेखौ एन्जय खालामनो थाखायसो नायो। बियो जेव्लाबो बिखौ एन्जय खालामनो सानो। बेनिखायनो बे सावथुनखौ बियो मोजां मोन्दों। अदेबानि बिथांआबो सावथुनखौ मोजां मोन्दों। बिसोरो जोबोर खुसिमोन'। जुनेद खाननि डेबिउ सावथुन महाराजआ मानहानि जाथाइनि सायाव बानायनाय। जुनेदिन अनगायैबो 'महाराज' सावथुनआव जयदिप अहलावत, शरबरी, शालिनि पान्डे आरो गुबुनफोराबो दड। सावथुननि डायरेक्टरआ सिद्धार्थ मल्हत्रामोन। सावथुनखौ वाइआरएफ इन्टारनेमन्टआ प्रडिउस खालामदों। 'महाराज' सावथुनखौ नेटफ्लिक्सआव स्ट्रिम खालामनाय जादोंमोन। बेयो वाइआरएफ इन्टारनेमन्ट आरो नेटफ्लिक्सनि गिबि कलेब्रेशन।

12 जुलाई शुक्रवारखालि आनान्त आम्बानी आरो राधिका मार्चन्टनि गोथार जुलिआ जासिगोन

मुकेश आम्बानी आरो निता आम्बानीनि उन्दै फिसाज्ला आनान्त आम्बानीआ 12 जुलाईयाव राधिका मार्चन्टजों जुलि जासिगोन। बे ग्रेन्ड जुलिनि प्रि-वेडिं फांक्शननि जागायनाया मार्चआवनो जागायदोंमोन। दाबावैसो जुलिनि नेम-खान्थिनि हाबाफारिया सोलिगसिनो दड। बुधवारआव एन्टिलियाआव शिव शक्ति पुजा, मेहेन्दि सेरेमनि आरो गाथबा नाइट फांक्शन रंजानायखौ नुनो मोन्दों। बे ग्रेन्ड

जुलिनि थाखाय जोबोद मोजाइ थियारि खालामदों एबा साजायदों। गुबुन हादतनि आलासिफोरखौबो इनभाइट खालामहरदों। बिसोरनि थाखाय स्पेशेल प्राइभेट जेटबो थियारि खालामनाय जादों। रिपटनि बायदिब्ला, राधिका मार्चन्ट आरो आनान्त आम्बानीनि गुबुन हादतनि आलासिफोरनि मोनसे लिस्ट शेयार खालामदों, जेराव मुंदंखा कार्दशियान सिस्टारआबो बाहागो लागोन। जुलियाव रिप्लिटि स्व'नि स्टार किम



कार्दशियान आरो खल' कार्दशियानआबो आलासि



जागोन। बेनि अनगायैबो पितार डायमभेन्डिस, फावगिरि जेफ

कुन्स आरो कच जे शेडिआबो बाहागो लागोन। बेनि

फिफानि चेयानमेन जियानि इन्फेन्टि'आबो बाहागो लाफै गोन। आनान्त आरो राधिकानि जुलिआ मुम्बाइनि जिय' वाल्ड' सेन्टारआव जागोन। आनान्त आरो राधिकाआ 2022 माइथायाव रका जादोंमोन आरो 2023 माइथायाव आस्ताम सोनाय जादोंमोन। 12 जुलाईआव बिसोरनि गोथार जुलिआ जागोन। बे जुलिआ शनिवार, 13 जुलाईसिम गोथार बोर सारसिनायजों लोगोसे सोलिबाय थागोन।

सा 17 फरायसा आरो मावफारियाफोरखौ बुथाराग्रा दायनिगिरिया गावनि मेलेमखौ दान होगोन

वाशिंठन, 11 जुलाइ : आमेरिकानि फ्लरिडायाव गंसे हाइ स्कूलआव सेमि अट'मेटिक राइफलजों सा 17 फरायसाफोर आरो मावफारियाफोरखौ जिउ फोजोबग्रा निकलास कुजआ भुगिनांनारफोरनि गेजेराव सासेजों मोनसे जर'खा नोगोरारि रदाय खादों। बे रदायनि गेजेरजों कुजआ गावनि ब्रेन्ड एबा मेलेमखौ बिज्ञाननो दान होनो गनार्याथियो। बे खौराडा बिजिरसालिन लेखा बिलाइ आरो जर'खागिरिफोरनि गेजेरजों सोराडाव फेदों। मख'जाथावदि, कुजआ 2018 नि 14 फेब्रुवारीखालि पार्कलेन्डनि मार्जरी स्तनमेन डकलास हाइ स्कूलआव सा 17 फरायसाफोर आरो मावफारियाफोरखौ एआर 15 एसल्ट राइफलजों गुलि गावना जिउ फोजोबदोंमोन। बे गुलि गावनाय जाथाया आमेरिकानि जारिर्मिनाव



बयनिखुइबो गिखंथावसिन गुलि गावनाय जाथाइफोरनि गेजेराव मोनसे होन्ना गनार्याथियो। निउयर्क पस्टनि रिपर्ट बायदिब्ला गोरोबथाखौ 21 बोसोरनि एन्टीनो बर्गेसनि उखिलआ रायज्जालानै थि खालामनो होदोंमोन। मख'जाथावदि, एन्टीनो बर्गेसखौ गाग्लोबनाय समाव खेबबा गुलि गावदोंमोन। बर्गेसनि उखिल एलेक्स एरेजाया पक्स निउज डिजिटलआव फोरमायदोंदि,

भिजा आरो पासपर्ट थगायनायनि सायाव इन्दिरा गान्धी बिरखं गाथोन पुलिसनि सिग्रोमनाय, सा 108 एजेन्टफोरखौ हमदों

गोदान दिल्ली, 11 जुलाइ: भिजा आरो पासपर्ट थगायनायखौ होबथानो आरो हायुडारि रैखाथिखौ गोख्रों खालामनो थाखाय मोनसे मख'जाथाव आगानआव हादरनि राजथावनि इन्दिरा गान्धी गेजेर हायुडारि (आइजिआइ) बिरखं गाथोन पुलिसआ सा 108 थगायसुला एजेन्टफोरखौ हमदों। बे अपारेसनआ बिसेरबादि सोद्रोम गैये सुबुंफोरजों सुबिदा होजानाय आयेन बेरेखा हाबफेनायनि बांनारयनि फिन्नायाव जायो। सोलोयारि अपारेसनफोर आरो मख'जाथाव जाफुंसारनायफोरजों सिनार्याथि होजानाय गोख्रों नाजानायफोर अखां दावबायनाय आरो हायुडारि रैखाथिनि सैथोथिखौ गोख्रों खालामदों। दिल्ली पुलिसनि खारिनिफ्राय मिथिनो मोनोदि, थांनार 6 दानावनो आइ.जि.आइ. बिरखं



गाथोन पुलिसआ सा 108 थगायसुला एजेन्टफोरखौ हमदों। बे अन्विमाया 2023 माइथायनि बे समावनो सा 51 खाजानायनि रुजानायाव मोनसे

थुनफावथायारि बांनारयखौ दिन्थियो। पुलिसआ गावसोरनि गोसोखौ खालि दावबायारिफोरखौ नोजोर होनारयनि अनगायै एजेन्टफोरखौ

दायनिगिरि खालामनायाव सोलायदों, जाय गोबां समावनो गुबुन हादरआव साबसिन खाबु नागिरिनाय आयेन बेरेखा हाबफेनाय बिथांखिफोरनि

मिथिस्ताबै बोलि जानो गोनां जायो। बे सोलोयारि नोजोरनि थांखिया बेफोर थगायनायफोरनि गुदि जाहोनफोरखौ फोजोबनाय, जायजों सिनार्याथिनाय आरो गोख्रों नाजानायाव गोबां जौगानाय फेदों। बेनि अनगायैबो पुलिसआ गोम्लैसोना थानाय केसफोरनि गुवारि नायबिजिरनाय खालामदों जेराव सिगाडाव खालि दावबायारिफोरखौल' खानाय जादोंमोन। नायबिजिरग्रा मावख'गिरिफोरनो फोरमायथि होनार जादों आरो बेयाव लोब्बा थानाय थगायसुला एजेन्टफोरखौ ट्रेक खालामनो आरो बिजिरनायनि बिबान होनार जादों।

नागालेन्डआ बिफां गायनायाव साबसिन राइज्यो 2024 बाब्था मोन्नो हादों

कहिमा, 11 जुलाइ : नागालेन्डआ हल्टिकाल्चर एबा बिफां लाइफां गायनायनि फोथाराव गोख्रों दिन्थिफुंनारयनि थाखाय मुंदाखा आबादारि बाब्था 2024 खौ मोन्नो हादों। बाब्था रान्नाय हाबाफारिया बुधवार गोदान दिल्लीयाव खुंजानाय 15 थि आबाद दैदेन्नाय कनक्लेभआव खुंजायो, जेराव आइजो सोदनाय जौगाखों आरो बिफां गायनाय मन्थि सल्लोतु अनुअ कुजआ राइज्योनि जानानै बे बाब्थाखौ आजावो। बे समाव बिथाडा बुडोदि, गोदान हाबाफारिफोर आरो खान्थिफोरखौ गोहोम गोनां खालामनायाव नागालेन्डनि नाजानाया राइज्योनाडै बिफां बागान खालामनायखौ जौगाहोनायाव



मख'जाथाव बिफाव लादों। बे हाबाफारिफोरा आबाद दिह्थाइखौ बांहोनायनि अनगायै आबादारि आरो गामियारि समाजनोबो गोबां मुलाम्फा मोनहोदों। सिमां फारसे कुजआ बुंवावोदि, बे बाब्थाखौ मोन्नो

हानानै गावसोर जोबोद गोजोन्नाय आरो मान मोन्नायखौ मोन्दांथिदों। बेयो बाडाइ बेसेनावनो बागान खालामनाय नेम-खांथि आरो गामियारि जौगाखों हाबाफारिनि फारसे गावसोरनि बिबान लानानै

मावफुंनारयखौ रोखा खालामो। आबाद दैदेन्नाय बाब्थाय राइज्यो आरो सुबुंफोरनो आबादनि फोथाराव आरो गुबुन मख'जाथाव आयदाफोर आरो बिसेरनि सरासन्ना नडै बिहोमा होनारखौ सन्मान होयो।

बिमस्टेकआ गावनि 'नेबरहुड फास्ट' नोजोर, 'एक्ट ईस्ट पलिसि' आरो 'सागर' नोजोरखौ दिन्थियो: एस जयशंकर



गोदान दिल्ली, 11 जुलाइ: भारतनि गुबुन हादतआरि मन्थि एस जयशंकरआ बे अफ बंगल होनानै खालामनाय जादों, जेराव इनिस्वियेटिड अन माल्टि-सेक्ट'रल टेकनिकल एन्ड इक'नमिक क'अपरेशन, बिमस्टेकजों भारतनि सोलोआरि गोनांथिखौ फोरमायो। बिथाडा हादतनि गुवार मुलुगनां राजखान्थियारि बिथिखव बेनि गोनांथिखौ नोजोर होयो जेरे नेबरहुड फास्ट, एक्ट ईस्ट पलिसि आरो सागर भिजन। दिने गोदान दिल्लीआव बिमस्टेक बायजोआरि मन्थिफोरनि रिट्रीटखौ बिबुंथि होनानै, जयशंकरआ बुंदोंदि, भारतनि थाखाय, बिमस्टेकआ गावनि 'नेबरहुड फास्ट' नोजोर, 'एक्ट ईस्ट पलिसि' आरो 'सागर' नोजोरखौ दिन्थियो।

बेफोरनि मोनफ्रोम नाजानायखौ बे अफ बंगलाव जर'खा नोजोर होनानै खालामनाय जादों, जेराव साबसिननि थाखाय सोलायनाय

गोरोबलायनाय गोहो दं। 'जोनि जुजिनाया बेखौ साबसिननि थाखाय सोलायनाय

आरो गोख्रें खालामनाय। फावसायनायनि थांखिया रोखा आरो फिथाइगोनां आदबजों सानसिफोरखौ सोलाय-सोल' खालामनाय। बेंककआव बेबादि सिमांनि नाजानायनिफ्राय जों बयबो मुलाम्फा मोन्दों। 'सावराय जथुमनि गोनांथिनि सायाव गोसो होनानै जयशंकरआ बुंदोंदि, बेयो दा जर'खा गोनांथि दं, मानोना बेयो बोसोरनि जोबनार्याथि जथुम्मानि थाखाय गोख्रों फिथाय दिह्न्तो हायो। जोनि खौरांआ रोखा जाथारनांगोनदि जों गासैबो बे अफ बंगलनि

हादतफोरनि गेजेराव गोदान गोहो, गोदान फुंखाफोर आरो हेफाजाबाव मोनसे गोदान रादाय होनो थाखाय बिबान गोनां। 'बिमस्टेक आब बावैसोनि जाथायफोरखौ नोजोर होनानै जयशंकरआ बुंदों, 'बिमस्टेक चार्टरआ बे बोसोरनि 20 मेनिफ्राय जागायनो थाखाय बाहाय जाबाय। मुलुगनां आरो ओन्सोलारि जौगानायफोराबो बेखौ गोनांथार खालामबायदि जों गावसोरनि गेजेराव बांसिन सुखानाय नागिरिना

हादतफोरनि गेजेराव गोदान गोहो, गोदान फुंखाफोर आरो हेफाजाबाव मोनसे गोदान रादाय होनो थाखाय बिबान गोनां। 'बिमस्टेक आब बावैसोनि जाथायफोरखौ नोजोर होनानै जयशंकरआ बुंदों, 'बिमस्टेक चार्टरआ बे बोसोरनि 20 मेनिफ्राय जागायनो थाखाय बाहाय जाबाय। मुलुगनां आरो ओन्सोलारि जौगानायफोराबो बेखौ गोनांथार खालामबायदि जों गावसोरनि गेजेराव बांसिन सुखानाय नागिरिना

हादतफोरनि गेजेराव गोदान गोहो, गोदान फुंखाफोर आरो हेफाजाबाव मोनसे गोदान रादाय होनो थाखाय बिबान गोनां। 'बिमस्टेक आब बावैसोनि जाथायफोरखौ नोजोर होनानै जयशंकरआ बुंदों, 'बिमस्टेक चार्टरआ बे बोसोरनि 20 मेनिफ्राय जागायनो थाखाय बाहाय जाबाय। मुलुगनां आरो ओन्सोलारि जौगानायफोराबो बेखौ गोनांथार खालामबायदि जों गावसोरनि गेजेराव बांसिन सुखानाय नागिरिना

हादतफोरनि गेजेराव गोदान गोहो, गोदान फुंखाफोर आरो हेफाजाबाव मोनसे गोदान रादाय होनो थाखाय बिबान गोनां। 'बिमस्टेक आब बावैसोनि जाथायफोरखौ नोजोर होनानै जयशंकरआ बुंदों, 'बिमस्टेक चार्टरआ बे बोसोरनि 20 मेनिफ्राय जागायनो थाखाय बाहाय जाबाय। मुलुगनां आरो ओन्सोलारि जौगानायफोराबो बेखौ गोनांथार खालामबायदि जों गावसोरनि गेजेराव बांसिन सुखानाय नागिरिना

